

## Evening Dogri (NSD) Bulletin 04-05-2024

### आकाशवाणी

खास खबरां .....

- 1 लोकसभा चुनाव दे आँदे गेड़ लेई प्रचार जोरे-शोरें जारी, सब्बे पार्टियां अपने बड्डे बड्डे नेताएं ते स्टार प्रचारकें राएं लोकें गी अपने पक्खै च करने च लगगी दियां न।
- 2 देसै च होआरदे लोकसभा चुनाव दी बवस्था ते प्रबंधन गी दिक्खने लेई 23 मुख्खें थमां चुनाव प्रबंधन निकाए दे 75 मिनर भारत आए दे न।
- 3 केन्द्री मंत्री अमित शाह होरें आखेआ ऐ जे एससी, एसटी ते ओबीसी वर्ग लेई आरक्षण इंदा संवैधानिक अधिकार ऐ ते जदूं तगर बीजेपी सत्ता च ऐ ओ कुसै गी एह अधिकार खुस्सने नेई देग।
- 4 भारत नै आखेआ ऐ जे ऑनलाइन कट्टरवाद दा जैहर फैलाने दियां कोश्टां कल संसारी सुरक्षा लेई इक बड्डी चुनौती ऐ।
- 5 राष्ट्रपति द्रौपदी मुर्मू होर अज्जै थमां 5एं दिनें दे हिमाचल प्रदेश दौरे पर न।
- 6 आईपील एल्लै बैंगलोर ते गुजरात दिएं टीमै बश्कार मकाबला जारी ऐ। कल कोलकाता नै मुंबई इंडियन्स गी 24 रंजें कन्नै हराया। मुंबई इंडियनस प्ले ऑफ दी द्रौड शा बाहर।

<><><><><><>

### **Campaigning**

मुख्ख भरै च लोकसभा चुनाव दे बाकी रौहदे गेड़ें लेई प्रचार जोरे-शोरें जारी ऐं सब्बै सियासी पार्टिएं दे बड्डे बड्डे नेता ते स्टार प्रचारक मते शा मते मतदाताएं गी अपने हक्कै च करने लेई अपनी पूरी टिल्ल ला करदे न। बीजेपी दे वरिष्ठ नेता ते प्रधानमंत्री नरेन्द्र मोदी होरें अज्ज बिहार दे दरथंगा च इक जनसभा गी

संबोधत करदे होई आखेआ जे कांग्रेसी नेता राहुल गांधी ते आर.जे.डी नेता तेजस्वी यादव हुंदा रिपोर्ट कार्ड इंदिएं पिछलिएं सरकारें दे भ्रश्टाचार दा चेता नोआंदा ऐ। उनें आखेआ जे आर.जे.डी दे शासन काल च लोकें गी अगवाह करना इक चाल्ली दा कारोबार बनी गेदा हा ते लालू प्रसाद यादव हुंदा रोजगार दे बदले लोकें दिएं जमीनें पर कब्जे करना, भ्रश्टाचार दी एहदे कोला बड्डी मसाल केह होइ सकदी ऐ। उनें INDI गठबंधन दे सब्बने सैहयोगिएं पर तृष्ठीकरण दी सियासत खेडने ते देश गी कमजोर बनाने दा आरोप लाया। बहुजन समाज पार्टी दी अध्यक्ष मायावती होरें अज्ज आगराच अपनी पार्टी दे मेदवार दे हक्कै च जनसभा गी संबोधत करदे होई आखेआ जे बीजेपी दिएं गलत नीतिएं दे चलदे मुख्खे च मैह्गाई ते बेरोजगारी बधी ऐ। तोआई कांग्रेस नेता राहुल गांधी होरें जनता दल(सेक्यूलर) दे नेता प्रज्जवल रेवन्ना दे इक कथित मामले च शामिल होने गी लेइयै प्रधानमंत्री नरेन्द्र मोदी ते बीजेपी पर त्रिक्खा जवानी हमला कीता ऐ। राहुल होरें आखेआ जे एह बडा हैरान करी देने आला ऐ जे प्रधानमंत्री होर ऐसे आरोपें दे धेरे च फसे दे नेता लेई प्रचार करै करदे न।

<><><><><><>

## ECI Team

मुख्खा च लोकसभा चुनाएं दा साक्षी बनने लेई 23 मुख्खें दे चुनां प्रबंधन निकाय दे 75 अंतर्राष्ट्रीय प्रतिनिधि भारत आए दे न। आम चुनाएं गी सर्वोच्च मानकें तैहत कराने दी वचनबद्धता लेई चुनां आयोग नै इनें प्रतिनिधिएं गी लोकतांत्रिक तरीके नै चुनां लेई साक्षी बनने लेई साददा दित्ता हा। अपने दौरे दरान एह प्रतिनिधि अज्ज थमां 6 ध्याडें चलने आले कार्यक्रमें च शामिल होंगन। इस दौरे कन्नै इनें चुनां प्रबंधन निकायें गी विश्व च सब्बने शा बड्डे लोकतंत्र च भारतीय चुनां प्रणाली गी समझने दा मौका थ्होग। मुख्ख चुनां आयुक्त राजीव कुमार ते चुनां आयुक्त ज्ञानेश कुमार ते डॉ. सुखबी सिंह संधु कल इनें प्रतिनिधिएं गी संबोधत करगंन।



## Amit Shah-Gujrat

बीजेपी दे वरिष्ठ लीडर ते केन्द्री गृहमंत्री अमित शाह होरें आखेआ ऐ जे आरक्षण अनुसूचित जाति, अनुसूचित जनजाति ते होरने पिछड़े वर्गें दा संवैधानिक अधिकार ऐ ते जदू तगर बीजेपी सत्ता च ऐ कोई बी इसी इनें वर्गें कोला खुस्सी नेई सकदा। अज्ज गुजरात दे छोटा उदयपुर, वलसाड ते नवसारी दे वासंदा च चुनां रैलिंगं गी संबोधत करदे होई अमित शाह होरें आखेआ जे बीजेपी देसै दे सब्बने वर्गें दे सामे ते पूरे पराते विकास लेई दृढ संकल्प ऐ। उनें आखेआ जे बीजेपी दे शासन च गै इक जनजातीय महिला देसै दी राष्ट्रपति दे औहदे पर विराजमान ऐ। उनें जन-जातीय गी गुमराह करने ते देसै च आरक्षण बवस्था बारे गलत जानकारी फैलाने लेई कांग्रेस दी सख्त नुक्ताचीनी कीती। उनें आखेआ जे कांग्रेस पार्टी केइएँ बरे थमां आरक्षण गी लेइयै सियासत खेड्डी ते अपने मफाद हासल करदी आई ऐ। कोविड महामारी कन्नै कामयाबी कन्नै निबडने दा जस्स बीजेपी सरकार गी दिंदे होई शाह होरें आखेआ जे बीजेपी लेई देश सब्बने शा उप्पर ऐ ते सब्बने देशवासिएं दी भलाई बेहतरी सब्बने शा पैहली तरजीह ऐ। उनें महिलाएं, नोजवानें, समाज दे कमजोर तबकें दी भलाई बेहतरी ते देसै दी तरक्की लेई बीजेपी गी वोट देने दी अपील कीती।



## Lovely BJP

दिल्ली प्रदेश कांग्रेस दे साबका अध्यक्ष अरविंदर सिंह लवली अज्ज बीजेपी च शामिल होई गे न। नमीं दिल्ली च पार्टी महासचिव विनोद तावड़े ते केन्द्री मंत्री हरदीप सिंह पुरी हुंदी मजूदगी च लवली होरें बीजेपी दी मिंबरी हासल कीती। दिल्ली दे साबका मंत्री राजकुमार चौहान, कांग्रेस पार्टी दे साबका सचिव नसीब

सिंह, साबका विधायक नीरज बसोया, भारतीय राष्ट्रीय छात्र संघ दे साबका अध्यक्ष अमित मलिक होर बी बीजेपी च शामिल होए।



## Congress Leader Arrest

दिल्ली दी इक अदालतै केन्द्री गृहमंत्री अमित शाह हुंदी वीडियो कन्नै छेड़छाड़ दे मामले च अज्ज कांग्रेस दे इक नेता अरुण रेड्डी गी दिल्ली पुलिस दी हिरासतै च भेजी दित्ता ऐ। रेड्डी स्पिस्टि ऑफ कांग्रेस एक्स अकाउंट सनें पार्टी दा सोशल मीडिया दिक्खदा ऐ।



## Voter Turnout

लोकसभा चुनाव दे पैहले दो गेड़ च मतदाताएं दी किश घट्ट गिनतरी गी बधाने ताई मतदाताए भागीदारी गी दूना करने लेई प्रयास तेज करी लैते न। अजे तोड़ी पैहले गेड़ च 66.14 फीसद दे दुए गेड़ च 66.71 फीसद मतदाता भागीदारी रेई, जेहड़ी जे संतोषजनक ऐ मगरा 2019 दे मकाबले एह आंकड़ा आम चुनाव शा घट्ट ऐ। चुनाव आयोग नै त्रिये गेड़ च चुनावी प्रक्रिया ते मतदान दे दरान बड़ी मती गर्मी दे असर बारे मौसम दे माहिरें, सेहत ते आपदा प्रबंधन अजेसिएं कन्नै बी मलाटी कीती।



## Online Radical

भारत नै आखेआ ऐ जे ऑनलाइन कट्टरवाद वैश्विक सुरक्षा लेई इक बड्डी चुनौती ऐ। हाल च गै फ्रांस दे ल्योन च सम्पन्न होए दे नैशनल सेंद्रल ब्यूरो दे प्रमुखें दे 19में इंटरपोल सम्मेलन च केन्द्री जांच ब्यूरो सीबीआई दे डरैक्टर प्रवीण सूद होरें संगठित अपराध, आतंकवाद ते अत्तवादी विचारधाराएं दी

संड-गंड दिएं चुनौतिएं दा जिक्र कीता। सूद होरें आतंकवाद दे सब्बने रूपै दी इक बरोबर निंदेया कीती ते आखेआ जे आतंकवाद, आतंकवाद ऐ ते ओ कदें बी शैल जां माड़ा नेइं होई सकदा। सीबीआई नै इक ब्यान च आखेआ ऐ जे इस सम्मेलन च 136 मुल्खें दे राश्ट्री केन्द्री ब्यूरो दे वरिष्ठ पुलस अधिकारिएं हिस्सा लैता। इस सम्मेलन दा मकसद अंतर्राश्ट्री अपराधें कन्नै निबड़ने लेई इंटरपोल ते एनसीबी बश्कार सैहयोग गी तगड़ा बनाना ऐ। भारत नै संगठित अपराध, आतंकवाद, नशीले पदार्थें दी तस्करी, काले धनै गी जायज बनाने, ऑनलाइन कट्टरवाद ते साईबर अपराधें कन्नै निबड़ने ते इनेंगी रोकने लेई इकजुट होइयै कारवाई करने ते तालमेल बधाने पर जोर पाया ऐ।

<><><><><><><>

## President

राश्ट्रपति द्रौपदी मुर्मू होर हिमाचल प्रदेश दे 5एं दिनें दे दौरे पर अज्ज बडले शिमला पुजजी गेइयां। शिमला कश कल्याणी हैली पैड पर राज्यपाल शिव प्रताप शुक्ला ते मुख्मन्त्री सुखविंदर सिंह सुक्खू होरें उंदा सुआगत कीता। उत्थें पुज्जने पर उनेंगी गार्ड ऑफ ऑनर दित्ता गेआ। मगरा ओ मशोवरा च राश्ट्रपति निवास द रिट्रीट लेई रवाना होई गेइयां।

<><><><><><><>

## IPL

आईपीएल एल्लै बैंगलुरु दे एम.चिनास्वामी स्टेडियम च गुजरात टाइंट्स ते रॉयल चैलेंजर्स बैंगलोर बश्कार मकाबला हुनै कोला किश चिर पैहले शुरू होई गेआ ऐ। रॉयल चैलेंजर्स बैंगलोर नै टॉस जित्तिथै पैहले गेंदबाजी करने दा फैसला लैता ऐ। गुजरात दी टीम फिलहाल इस प्रतियोगिता दी अंक तालिका च 8में नंबर पर जिसलै जे बैंगलोर दी टीम सब्बने शा हेठ 10में नंबर पर ऐ। कल रातीं कोलकोता नाईट राईडर्स नै मुंबई दे वानखेडे स्टेडियम च होए दे मकाबले च

मुंबई इंडियन्स दी टीम गी 24 रंजै कन्नै हराया जेहदे बाद कोलकाता दी टीम अंक तालिका च दुए नंबरै पर बनी दी ऐ जिसलै जे मुंबई इंडियन्स प्ले ऑफ दी द्रौड़ शा बाहर होई गई ऐ।



## Centre Onion

केन्द्र सरकारै गंडें दे निर्यात पर लग्गी दी रोक गी हटाई दित्ता ऐ। विदेशी बपार सरबंधी महानिदेशालय नै इक अधिसूचना च आखेआ ऐ जे एह हुक्म फौरी प्रभाह कन्नै लागू होग। पिछले म्हीने केन्द्र सरकारै 6एं मुख्यें बंगलादेश, संयुक्त अरब अमिरात, भूटान, बहरीन, मॉरीशस ते श्रीलंका गी 99 जहार मिट्रिक टन गंडें दे निर्यात दी मजूरी दित्ती ही। पिछले बरे दिसम्बर च रबी ते खरीफ दी फसलं च कमी दे अंदाजे करी गंडें दी घेरलू उपलब्धता जकीनी बनाने लेई गंडें दे निर्यात उप्पर रोक लाई दित्ती गई ही।



## Kerala Red Alert

भारतीय राष्ट्रीय महासागर सूचना सेवा केन्द्र नै पेशगोई कीती ऐ जे केरल ते तमिलनाडू दे समुद्रै च उच्चियां उच्चियां लैहरां उठने दी शँका बनी दी रौहग। एह स्थिति अज्ज रातीं साढत्रे 11 बजे तगर बनी दी रेही सकदी ऐ। इस चाल्ली लैहरां उठने गी मकामी बोली च “कल्लकाडल” आखेआ जंदा ऐ। एहदे चलदे लोकें गी सौहगा सर्तक रौहने ते समुद्रै कंडे नेई जाने दी चेतावनी दिंदे होई रैउ अलर्ट जारी कीता गेदा ऐ।



## NTA-NEET

राश्ट्रीय परीक्षा अजेसी एनटीए नै डज़क्टरी दी पढाइ लेई दाखले लेई कल होने आले नीट दे मतेयान लेइ सबै तैआरियां करी लैती दियां न। एहू मतेयान मुखे दे 551 शैहरें ते देसै थमां बाहर 14 शैहरें च बक्ख-बक्ख मतेयान केन्द्रें च लैता जाग। इस मतेयान च 24 लक्ख कोला मते विद्यार्थी बौहगंनं मतेयान दपैहरी 2 बजे कोला लेइयै सजां 5 बज्जियै 20एं मिंटे तगर चलोग। एनटीए ने मतेयान च बौहने आले विद्यार्थिं गी डाउनलोड कीते दे एडमिट कार्ड कन्नै लेइयै औने दा निर्देश दित्ते दा ऐ। जेहदे पर मतेयान च बोहने आले दी फोटू दस्तखत ते रोलनंबर बार कार्ड होना लाजमी ऐ।

<><><><><><>